



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale, seu Institutio Sacerdotum, Ex Divinis Litteris Et Veterum Patrum Disciplina

**Torres, Alfonso de
Ingolstadii, 1604**

De lacrymis Sacerdotum. §. II.

[urn:nbn:de:hbz:466:1-48973](https://nbn-resolving.org/urn:nbn:de:hbz:466:1-48973)

De eadem.

QVAMLIBET alia verba dicamus, quæ affectus ⁴²
 orantis vel præcedendo format, vt clareat, vel con-
 sequendo attendit, vt crescat, nihil aliud dicimus,
 quam quod in Dominica oratione positum est,
 si recte & congruenter oramus. S. August. ep. 121.
 ad Probam, vbi cap. 11. breuiter explicat orationem
 Dominicam, & in Enchiridio vltra medium. De eius
 expositione vide etiam S. Cyrillum. catechesi mystag.
 5. & S. Cyprianum de oratione Dominica. S. Hieron. l.
 3. contra Pelagianos. S. Gregorium Nyssenum per quin-
 que homilias. & S. Bernardum serm. 6. de Quadagesi-
 ma. Cassianum coll. 9. c. 17. Concil. Toletan. 4. cap. 9. & S.
 Bonau. de Processu 7. Relig. c. 4.

De Lacrymis Sacerdotum

§. II.

SVMMARIVM.

ASSIDVE lacrymæ in oculis Sanctorum, &
 Sacerdotum. 1. 2. 3. 5. 16.
 Eorum enim sunt arma. 6.

Ideo semper cum lacrymis orandum. 16.

Qui non sentit præsentia mala, nec desiderat futura bo-
 na, qui non luget. 17.

Lacrymis anima illuminatur, & fiduciam conci-
 pit. 18.

Ideo diligenter conseruanda, & quæ sint vera. 19.

Pro

Pro peccatis populi effundenda. 7. 8. 15.

Maxime inter audiendas confessiones, exemplo S. Ambrosij. 9.

Quia sunt peccatorum spongia. 15.

Et Angelorum letitia nostra suspiria. 11.

Et sunt beati, nec facile peccabunt, qui lugent. 12. 13. 14.

Qualiter S. Augustinus flebat inter audienda diuina officia. 10.

1 **L**ABORAVI in gemitu meo, lauabo per singulas noctes lectum meum: lacrymis meis stratum meum rigabo. *Psal. 6.*

2 Cinerem tamquam panem manducabam, & potum meum cum fletu miscebam. *Psal. 101.*

3 Quis dabit capiti meo aquam, & oculis meis fontem lacrymarum? & plorabo die, ac nocte interfectos filiae populi mei. *Ierem. 9.*

4 Attingite vos, & plangite Sacerdotes, vlulate ministri altaris: ingredimini, cubate in sacco ministri Dei mei: quoniam interijt de domo Dei vestri sacrificium, & libatio. *Ioël. 1.*

5 Inter vestibulum & altare plorabunt Sacerdotes ministri Domini, & dicent, &c. *Ioël. 2.*

Lacrymæ sunt Sacerdotis arma, & munimenta.

6 **DOLERE** potero, potero flere, potero gemere aduersus arma, milites Gothos quoque. Lacrymæ mea arma sunt: talia enim munimenta sunt Sacerdotis. Aliter nec debeo, nec possum resistere, &c.

S. Am.

*S. Ambros. post epist. 32. l. 5. in oratione contra Auxen-
rium 23. q. 8. c. Conuenior. §. quid ergo.*

**Sacerdotes boni deflere debent peccata
populi.**

BONI Sacerdotes populi debent delicta defle- 7
re, & totos se planctibus tradere, imitantes Iere-
miam Prophetam, dicentem: Quis dabit capiti *Ier. 9.*
meo aquam, & oculis meis fontem lacrymarum; &
plorabo die ac nocte interfectos populi mei. tam-
quā propria igitur delicta, plebis peccata Sacerdos
flere debet; sed affectu compatiendi, non accusa-
tione commissi. *S. Isido. de sum. bono l. 3. c. 46.*

Sacerdotes sancti quotidie flere debent.

CVM Sancti semetipsos sentiunt terrenæ cogi- 8
tationis pondere prægrauatos, ab illa mentis pu-
ritate decidere, & inuitos, immo vero etiam ne-
scientes, in legem peccati, mortisque traduci; at-
que (vt cætera prætermittam) bonis quidem, ac
iustis, sed tamen terrenis à conspectu Dei operi-
bus auocari, habent profecto, pro quibus ad De-
um iugiter ingemiscant; habent, pro quibus in ve-
ritate humiliati, atque compuncti, non verbis tan-
tum, sed affectu semetipsos pronuntient peccato-
res: & veniam pro omnibus, quæ quotidie supe-
rati fragilitate carnis incurrunt, & gratiam Dei
iugiter postulantes, veras poenitentiae lacrymas in-
desinenter effundant, &c. Et ideo quotidianis su-
spirijs sancti omnes pro hac substantiæ suæ fra-
gilitate

Psa. 142 gilitate compuncti, dum cogitationum varietates, & conscientiae suae latebras, ac penetralia perscrutantur, suppliciter clamant: Non intres in iudicium cum seruo tuo Domine, quia non iustificabitur in conspectu tuo omnis viuens, &c. *Cassianus coll. 23. c. 20. iuncto c. 17.*

Idem faciendum inter audiendas confessiones.

9 Quando Presbyteri audiunt confessiones, vt sup. c. 5. de Sacramentorum ministracione, n. 25. vt faciebat S. Ambrosius, ibidem num. 22. cap. Beatus Ambrosius.

Qualiter flebat S. August. inter audiendum Diuina officia in Ecclesia.

10 Vide sup. c. 6. de Horis canonicis. §. I. cap. Quantum fleui, num. 44.

Seminemus hominibus bonum exemplum per aperta opera, seminemus Angelis gaudium magnum per occulta suspiria.

11 S. Bernard. serm. 30.

Beati qui lugent.

12 BEATVS Sacerdos, qui studiose & considerate luctum quærit, & lacrymas in hac vita, tamquam pretiosas margaritas, fundit in conspectu Dei. S. Nilus de oratione c. 63.

De

De eodem.

Beatus, cuius anima, velut arbor nuper sata, 13
 crebris gemitibus ac lacrymis, tamquam oppor-
 tunis auris & aquis fouetur, & irrigatur: & qui bo-
 nas cogitationum plantas precationibus & lacry-
 mis fouet, & irrigat, vt fructus Deo gratos ferat.
Idem S. Nilus c. 67. Ibidem.

Qui lacrymas fundit non facile pecca-
 bit.

SACERDOS, qui luctum amplectitur, haud fa- 14
 cile peccabit: &, qui cordis vacat compunctioni,
 non cogitat malum. Ex compunctione nascitur
 fletus, in fletu autem à malis temperamus. S.
Ephraëm de vita spirituali c. 49.

Spongia peccatorum tuorum, & populi,
 lacrymæ tuæ sint. Grandis earum vir-
 tus, &c.

S. Chrysost. super Psal. 50.

Semper orandum cum lacrymis. 15

NVMQVAM est sine gemitu orandum. Nam 16
 peccatorum recordatio mærorem gignit: dum
 enim oramus, ad memoriam culpam reducimus,
 & magis tunc reos nos esse cognoscimus. Ideo-
 que, cum Deo assistimus, gemere & flere debe-
 mus, reminiscences, quam grauiæ sunt scelera, quæ
 commisimus, quamq; dira inferni supplicia, quæ
 timemus. S. Isid. de summo bono l. 3. c. 7. Vide sup. c. 7. §.
 1. de orationis puritate, cap. Vtere Lacrymis, num. 27.

Q 2

Qui

Qui non luget, nec sentit præsentia mala,
nec desiderat futura bona.

- 17 SI non plangis, plane non sentis animæ vulnera, conscientia læsionem; sed nec futura satis gaudia concupiscis, si non quotidie postules ea cum lacrymis. *S. Bonau. in Pharetra l. 2. c. 18. ex S. Bernardo. serm. 3. de quadragesima.*

In lacrymis anima illuminatur, & fiduciam concipit.

- 18 TVNC anima illuminatur, quando ad lacrymas compungitur, &c. Lacrymæ apud Deum semper nobis dant fiduciam magnam, &c. *Idem S. Bernard. in modo bene Viuendi, serm. 9.*

Spontaneæ lacrymæ sedulo conseruandæ, & quæ sint veræ.

- 19 QVOTIES anima, nil etiam curantibus, vel studiose operantibus nobis, in lacrymas vi secretæ compunctionis excitata, in solo fletu requieuerit, curramus sollicitè. Dominus enim non vocatus aduenit, spongiamq; diuini amoris & refrigerij piarum lacrymarum aquam nobis clemens porrigit, quibus deleantur scelera chirographi nostri. Serua eam, vt pupillâ oculi tui, donec sponte abeat. Longa enim maior est huiusmodi compunctionis vis, quam eius, quam studio nostro, & labore acquisiuimus, &c. Solet adulterina compunctio elationem gignere; ea vero, quæ laudabilis, & probata

bata est, consolationem, &c. Noli antequam perfecte emunderis, lacrymarum tuarum imbribus credere: neq; enim habet fidem vinum statim è torcularibus expressum, &c. Sane absq; metu ruinæ est, qui ex mortis, scelerumq; memoria genas suas viuentium aquarum perpetuis imbribus rigat, &c. *S. Io. Climacus de luctu gaudij opifice, gradu 7.*

*De genuflexionibus, manuum
elevationibus, & pectoris
tunfionibus in ora-
tione, §. III.*

SUMMARIVM.



ANCTI veteris, & noui Testamenti, inter orandum genua flectebant, & manus in cælum leuabant. 1. 2. 4. 5. 6. 7. 8. 10. 11. 12.

Etiam ipse Dominus. 3.

Genua autem non flectuntur diebus Resurrectionis, nec Dominicis, & quare. 12.

Manuum eleuatio, quid notet. 13. 14.

Pectoris tunfio, quid. 9. 15. 16.

FACTVM est, cum compleffet Salomon orans Dominum omnem orationem, surrexit de conspectu altaris Domini: vtrumque enim genu in terram fixerat, & manus expanderat in cælum. 3. Reg. 8.

Q 3

Flexis